

10908

8-75



◆◆◆◆◆ **ფ ა ს ი** ◆◆◆◆◆

კერძო პირთათვის 15 კაპეიკი.

სახელმწიფო დაწესებულ. 10 კაპ.

პროლეტარებო ეველა ქვეენისა, შეერთდით!

109

წელიწადი
მეცამე

მთაბაე

ორ შაბათი,
თებერვლ. 26.
1923 წ.

შინაგან საქმეთა სახალხო კომისარიატისა.

№ 48

ეოველ კვირეული ორგანო.

№ 48

ქურნალ „მთაბაე“-ს რედაქციისაგან.

ეველა ხელის მომწერთა, სახელმწიფო და სასოკადო დაწესებულებათა და კერძო ორგანიზაციების საუურადღებოდ რედაქცია აცხადებს, რომ

ეურნალი უფასოდ არავის გაეგზავნება.

ეველა ხალის მომწერი ვალდებულია გადაიხადოს მათეა დარეკნილი ხალის მოწერის ფასი. წინააღმდეგ შემთხვევაში მოასკობათ ქურნალის გზავნა.

ყოველგვარი განცხადების ფასი: სტრიქონი—30.000 მანეთი.

დოკუმენტების დაპარგვის შესახებ დასაგეჭადი განცხადებების ფასი 100.000 მანეთი.

ეურნალში მოსათავსებელი განცხადება დაიბეჭდება მხოლოდ ფულის შემოტანის შემდეგ.



რედაქცია ღიჲა დილის 9 ს. 3 საათამდე კვირა-უქმეების გარდა.

რედაქციის მისამართი

შინ. საქ. სახ. კომისარიატის ბინა: ევანგულოვის ქ. № 1. (ყოფ.—კადეტთა კორპუსის შენობა) ტელეფონი № 8—59.

ო ფ ი ც ი ა ლ უ რ ი

გ ა ნ ე ო ფ ი ლ ე ბ ა

ცენტრ. აღმასრულ. კომიტ.

დ ე კ რ ე ტ ი

სრულიად საქართ. საბჭ. ცენტრ. აღმას. კომიტ. და საქ. სოც. საბჭ. რესპ. სახ. კომის. საბჭოსი.

სამომხმარებლო კოოპერაციის შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო აღიარებენ სამომხმარებლო კოოპერაციას ქვეყნის საზოგადოებრივი წყობილების განუყოფელ და აუცილებელ ნაწილად და ისახევენ თავის მიზნად — ყოველნაირად ხელი შეუწყონ მას — მთლად მოსახლეობის სამომხმარებლო საჭიროებათა დაკმაყოფილების საქმეში, აგრეთვე სახელმწიფო მრეწველობისა და სასოფლო მეურნეობის შორის მჭიდრო კავშირის დამყარებაში და ამის გამო, ადგენენ:

1) ყველგან ქალაქში, საქარხნო-საფაბრიკო რაიონში და სოფლად ამ ემად არსებული ყველა სამომხმარებლო კოოპერატივების (საზოგადოება, ამხანაგობა და სხვ.) გაერთლებიან და მოეწყობიან ერთ სამომხმარებლო საზოგადოებად-ერთიანი სამომხმარებლო საზოგადოების სახით.

2) ქალაქად, საქარხნო-საფაბრიკო რაიონში და სოფლად, მიუხედავად მათი სივრცისა, არ შეიძლება იყოს ერთ სამომხმარებლო საზოგადოებაზე მეტი. სამომხმარებლო საზოგადოებას შეუძლიან დააკმაყოფილოს ორი ან რამდენიმე ახლო მდებარე დასახლებული პუნქტი.

3) ყველა მოქალაქე უწყებული ადგილისა უნდა ჩაირიცხოს ერთიან სამომხმარებლო საზოგადოებაში. თვითეული მოქალაქე მიეწერება ერთ-ერთ პუნქტს სამომხმარებლო საზოგადოებისას.

4) ერთიანი სამომხმარებლო საზოგადოების ფარგლებში მოქალაქეთა შეერთება შეიძლება უფრო მკირე ტერიტორიალურ ერთეულებად, ან ისეთ პირთა ჯგუფებად, რომელნიც მისდევნენ ერთ და იმავე მრეწველობას.

ყოველი ამგვარი შენაერთისათვის სავალდებულოა რეგისტრაცია და დამტკიცება იმ ერთიანი სამომხმარებლო საზოგადოების გამგეობის მიერ, რომლის რაიონშიაც იგი მოეწყოს.

ამგვარ შენაერთში წევრად შესვლა და გამოსვლა ნებაყოფლობითია ერთსა და იმავე დროს წევრად ყოფნა ერთზე მეტი ნებაყოფლობითი შენაერთში შეუძლებელია.

5) სოფლად ერთიანი სამომხმარებლო საზოგადოების ფარგალში გლეხთა მოსახლეობისათვის ნებაყოფლობითი — შენაერთის მოწყობა შეიძლება მხოლოდ საწარმოვო ან სასოფლო სამეურნეო ხასიათისა. სოფლად ნებაყოფლობითი შეერთება მარ-

ტოოდენ სამომხმარებლო ფუნქციებით შეიძლება მხოლოდ ცენტრალური კავშირის ნებადართვით თვითეულს ცალკე შემთხვევაში.

6) ყოველ შემოსენებულ ნებაყოფლობითი შენაერთს უფლება აქვს იმ ერთიანი სამომხმარებლო საზოგადოების მეშვეობით, რომლის რაიონშიაც იგი მოქმედებს, შეიძინოს თავის წევრთათვის ყოველგვარი სურსათ-საზოგადოება და სხვა საგანი მონაწილეთა მიერ დამატებითი გადასახადის (ფულად ან ნატურით) შეტანით.

7) სამომხმარებლო საზოგადოებათ და მათ კავშირებს ენიჭებათ იურიდიული პიროვნების უფლებანი, ე. ი. უფლება საქარხნო-საფაბრიკო მრეწველობისა და სასოფლო-სამეურნეო წარმოების პროდუქტებისა, აგრეთვე შინა მრეწველობისა და ხელოსნობის ნაკეთობის გაცვლისა, შესყიდვისა და გასაღებისა.

ამ მიზნის განსახორციელებლად სამომხმარებლო საზოგადოებათ ნება ეძლევათ დასდონ ყოველგვარი ხელშეკრულება, რომელიც არ ეწინააღმდეგება საბჭოთა კანონმდებლობას, როგორც მაგალითად დამზადებისა, მიწოდებისა გადაამუშავებისა, შენახვისა, გაწმენდისა, ზემოაღნიშნული პროდუქტების შეგროვებისა, იარაღებისა და მასალების მომარაგების შესახებ და ამ ხელშეკრულობათა მიხედვით მიიღონ თავიანთ თავზე ვალდებულება და სხვა ამისთ.

8. სამომხმარებლო საზოგადოებათ და მათ კავშირს (ცეკავშირს) უფლება აქვთ მოაწყონ საწარმოო პროდუქტების მოპოებისა და გადაამუშავებისათვის, აგრეთვე მოაწყოს ბოსტნები, რძის ფერმები და სხვა ამგვარი საწარმოო; შეასრულონ მომარაგებისა, დამზადებისა და განაწილების საქმეში ნებაყოფლობითი სამომხმარებლო შენაერთებისა, სახელმწიფო დაწესებულებათა და კერძო პირთა დავალეზანი.

სამეურნეო მოქმედებასთან ერთად ნება ეძლევათ აწარმოონ ყოველგვარი გამოკვლევანი, გამოსცენ პერიოდული და სხვ. გამოცემანი, დაარსონ ერთიანი სამომხმარებლო საზოგადოებათა და მათ კავშირთა საჭიროებისათვის ხელისშემწყობი დაწესებულებანი და

9. სამომხმარებლო საზოგადოებათ და მათ კავშირს (ცეკავშირს) სახელმწიფო აკისრებს ხელშეკრულების საფუძველზე შემდეგ ვალდებულებას:

ა) შესრულება სახელმწიფო ორგანოთა მიერ შენაკვეთისა ნედლი მასალისა და სასოფლო-მეურნეობის პროდუქტების დამზადების სფეროში;

ბ) მიყიდვა მცხოვრებლებისათვის ყოველგვარი სასურსათო და ფართო მოხმარების საგნებისა, რომელიც დამზადებული იქნება სახელმწიფოს ფაბრიკა-ქარხნებში, მიღებული საიჯარო საკონცესიო საწარმოთაგან, ან და შემოტანილი საზღვარგარეთიდან.

10) სამომხმარებლო საზოგადოებათ და კავშირს (ცეკავშირს) უფლება ეძლევათ გადაახდევინ-

ნონ თავიანთ წევრებს ჩასაწერი და საპაიო გადასახადები და ავანსები, ამასთანავე მოსახლეობის ულარბესი ჯგუფებისათვის მონაწილეობა სამომხმარებლო საზოგადოებაში უზრუნველყოფილ უნდა იქნეს განსაკუთრებული წესებით.

11) ერთიანი სამომხმარებლო საზოგადოების სათავეში სდგას არა ნაკლებ სამი წევრისაგან შემდგარი გამგეობა და სარევიზიო კომისია, რომელთაც აირჩევს წევრთა საზოგადო კრება.

აქტიური და პასიური არჩევნების უფლება აქვს ყველა მოქალაქეს, გარდა ისეთებისა, რომელთაც ჩამორთმეული აქვთ სარჩევნო უფლება საბჭოთა კონსტიტუციისა და სასამართლო ორგანოების დადგენილების თანახმად, ამისდამიუხედავად შეტანილ ექნებათ, თუ არა ჩასაწერი და საპაიო გადასახადი.

12) რესპუბლიკის ტერიტორიაზე ერთიანი სამომხმარებლო საზოგადოებანი შეერთდებიან ერთ საქართველოს ცენტრალურ კოოპერატიულ კავშირად (ცეკავშირში). გამგეობა და სარევიზიო კომისია ცენტრალური კოოპერატიული კავშირისა (ცეკავშირისა) ამოირჩევა იმ სამომხმარებლო საზოგადოებათა, სატრანსპორტო სამომხმარებლო საზოგადოებათა და სამხედრო კოოპერატიული ორგანიზაციების რწმუნებულთა კრებებზე, რომელნიც შედიან ცენტრალურ კოოპერატიულ კავშირში.

13) რათა სამომხმარებლო კოოპერაციის საქმეში მუშათა კლასის სათანადო გავლენა და ხელმძღვანელობა უზრუნველყოფილ იქნეს, პროფესიონალური კავშირების საბჭოებს უფლება აქვთ წარგზავნონ როგორც სამომხმარებლო საზოგადოების კრებებზე, ისე კავშირებში თავიანთი წარმომადგენელი, — გადამწყვეტი ხმის უფლებით, — რიცხვით არა უმეტეს შეკრებილთა ერთი მესამედისა.

14) ყველა დღემდის გამოცემული დებულება და დეკრეტი საქართველოს სამომხმარებლო კოოპერაციის შესახებ, რომელიც ეწინააღმდეგება ამა დეკრეტს — გაუქმებულ იქნეს.

15) ამა დეკრეტის განმარტებისა და განვითარების მიზნით ცენტრალურ კავშირს (ცეკავშირს) უფლება ეძლევა გამოსცეს საქართველოს საზღვრებში მომქმედ სამომხმარებლო კოოპერატივებისათვის სავალდებულო დადგენილებანი და დებულებანი.

16) დეკრეტი ესე ძალაში შედის დღიდან მისი გამოქვეყნებისა.

სრულიად საქ. საბჭ. ცენტრ. აღმასრ. კომიტეტის თავმჯდომარე მ. ცხაკაია.

საქართ. სოც. საბჭ. რესპ. სახ. კომის. საბჭ. თავმჯდ. მოადგ. მ. ორახელაშვილი.

სრულიად საქართ. საბჭ. ცენტრ. აღმასრ. კომიტ. მდივანი საბაშვილი.

1923 წ. იანვრის 24. ტფილისი — სასახლე.

სსს. კომისარიათა საბჭო

დადგენილება № 69.

საქართ. სოც. საბჭ. რესპ. სახ. კომის. საბჭოსი. საქართველოს წითელი ჯვრის საზოგადოების წესდების შეცვლის შესახებ.

წითელი ჯვრის საზოგადოების რეორგანიზაციის შესახებ საქართველოს სოც. საბჭ. რესპუბლიკის რევოლიუციონური კომიტეტის მიერ 164 №-ით გამოცემულ დადგენილების დამატებად საქართველოს სოც. საბჭ. რესპ. სახალხო კომისარიათა საბჭო ადგენს:

აღნიშნული საზოგადოების წესდების 22, 24 და 26 § შეცვლილ იქნეს შემდეგნაირად:

I. § 22: ცენტრალური კომიტეტი შესდგება საზოგადო კრების მიერ არჩეული 7 წევრისაგან და 3 კანდიდატისაგან. ცენტრალური კომიტეტი თავისი წრიდან აირჩევს პრეზიდიუმს ერთი წლის ვადით, თავმჯდომარეს, თავმჯდომარის ამხანაგს და პრეზიდიუმის წევრს — შემაღენლობით.

§ 24. ცენტრალური კომიტეტის არჩევა მოხდება ხმის აშკარა მიცემით და ხმის უბრალო უმეტესობით.

§ 26. განყოფილების კომიტეტი შესდგება 5 წევრისაგან, რომელთაც აირჩევს განყოფილების ნამდვილ წევრთა კრება. კომიტეტი აირჩევს თავის წრიდან, ერთი წლის ვადით, თავმჯდომარეს, თავმჯდომარის ამხანაგს და მდივანს.

II. დადგენილება ესე ძალაში შედის დღიდან მისი გამოქვეყნებისა.

საქართ. სოც. საბჭ. რესპ. სახ. კომის. საბჭ. თავმჯდ. მოადგ. მ. ორახელაშვილი. სახ. კომის. საბჭ. მდივანი ალ. სალარიძე.

1923 წ. იანვრის 10. ტფილისი — სასახლე.

დადგენილება № 70.

საქართ. სოც. საბჭ. რესპ. სახ. კომის. საბჭოსი. სასკოლო გადასახადის თაბაზე გამოცემული დეკრეტის შეცვლის შესახებ.

სასკოლო გადასახადის შესახებ — სახალხო კომისარიათა საბჭოს მიერ 1922 წლის დეკემბრის 20 ს თარიღითა და 15 №-ით გამოცემული დეკრეტის მე-3 მუხ. „ბ.“ და „გ.“ პუნქტ. და მე-4 მუხ. შესაცვლელად საქართველოს სოც. საბჭ. რესპუბლიკის სახალხო კომისარიათა საბჭო ადგენს:

მუხ. 3. გადასახადისაგან განთავისუფლებული არიან:

ბ. პროფესიონალური კავშირის ის წევრნი, რომელთა სამუშაო სასყიდელი 1922 წლ. ნოემ-

ბერში არ აღემატებოდა: სატარიფო ქსელის 1-ლ ზოლით 3.000.000 მ., მე-2-ე ზოლით—2.700.000 მან., მე-3-მე ზოლით—2.400.000 მან. და მე-4 ზოლით—2.100.000 მან.

გ.—მოსწავლენი, რომელთა დამოუკიდებელი სამუშაო სასყიდელი 1922 წლის ნოემბერში არ აღემატებოდა წინა პუნქტში აღნიშნული სამუშაო სასყიდლის რაოდენობას.

მუხ. 4. გადასახადის გამლებნი სამ ჯგუფად განიყოფებიან:

I) პროფესიონალურ კავშ. ის წევრნი, რომელთა სამუშაო სასყიდელი 1922 წლ. ნოემბერში აღემატებოდა გ. პუნქტში აღნიშნულ სამუშაო სასყიდლის განაკვეთს.

II) გლეხნი სოფლად და

III) ყველა დანარჩენი მოქალაქენი სოფლად და ქალაქად.

2. დეკრეტი ესე ძალაში შედის დღიდან მისი გამოქვეყნებისა.

საქ. სოც. საბჭ. რესპ. სახ. კომის საბჭ. თავმჯდ. მოადგილე მ. ორახელაშვილი.

სახ. კომის. საბჭ. მდივანი ალ. სალარიძე.

1923 წ. იანვრის 16. ტფილისი—სასახლე.

დადგენილება № 72.

საქარ. სოც. საბჭ. რესპ. სახ. კომის. საბჭოსი.

სათამაშო ქალაღდის. (კარტის) გამოცემის შეს.

1. ნება მიეცეს ა/კ. ფინანსთა სახალხო კომისარიატის რწმუნებულს საქართველოში გამოს. ცეს სახმარებლად სათამაშო ქალაღდი (კარტი), ქართული ტიპიური სურათებით.

2. აკრძალულ იქნეს უცხოეთში (არა-საბჭოთა რესპუბლიკაში) დამზადებული სათამაშო ქალაღდის გაყიდვა საქართველოს საზღვრებში.

3. პირველ მუხლში აღნიშნული სათამაშო ქალაღდის მთელი წმინდა შემოსავალი მოხმარდეს საქართველოს რესპუბლიკის კულტურულ მიზნებს.

4. დადგენილება ესე ძალაში შედის დღიდან მისი გამოქვეყნებისა.

საქ. სოც. საბჭ. რესპ. სახ. კომის. საბჭ. თავმჯდ. მოადგილე მ. ორახელაშვილი.

სახ. კომის. საბჭ. მდივანი ალ. სალარიძე.

1923 წ. იანვრის 30. ტფილისი—სასახლე.

დადგენილება № 73.

საქ. სოც. საბჭ. რესპ. სახ. კომის. საბჭოსი.

საგანგებო სიბინაო სამეულის მოწყობის შესახებ.

საბინაო კრიზისის შესამსუბუქებლად, რომელმაც უკანასკნელ ხანებში მიიღო ტფილისში მეტარ მწვავე ხასიათი, საქართველოს სოც. საბჭ. რესპუბლიკის სახალხო კომისარიათა საბჭო ადგენს:

1. სახელმწიფო დაწესებულებათა და აგრეთვე საბჭოთა, საზოგადოებრივ და სხვა საწარმოოთა სადგომების შემჭიდროებისათვის დაარსებულ იქნეს საქართველოს სახალხო კომისარიათა საბჭოსთან საგანგებო საბინაო კომისია ამხ. ჟოჯიკაშვილისა, ჟურულოვისა და ივანოვ-კავკასკის შედგენილობით.

2. ყველა ერთხმად მიღებული გადაწყვეტილება აღნიშნული საგანგებო საბინაო სამეულისა არ განსაზღვრდება და მოყვანილ უნდა იქნეს სისრულეში 48 საათის განმავლობაში.

3. კომისია შეუდგეს მუშაობას დაუყოვნებლივ.

საქ. სოც. საბჭ. რესპ. სახ. კომის. საბჭ. თავმჯდომ. მოადგილე მ. ორახელაშვილი.

სახალხო კომის. საბჭ. მდივანი ალ. სალარიძე.

1923 წ. იანვრის 10. ტფილისი—სასახლე.

დეკრეტი

საქართველოს სოციალისტური საბჭოთა რესპუბლიკის უმაღლეს სასწავლებელთა შესახებ.

(ტფილისის სახელმწიფო უნივერსიტეტისა და სახელმწიფო პოლიტექნიკური ინსტიტუტისათვის).

ა. უმაღლესი სასწავლებლის მიზანი და დანიშნულება.

1. უმაღლესი სასწავლებლის მიზანია:

ა) შექმნას სპეციალისტთა კადრი პრაქტიკულ მოღვაწეობის სხვა და სხვა დარგისთვის.

ბ) მოამზადოს მეცნიერების მუშაკნი რესპუბლიკის სამეცნიერო, სამეცნიერო-სატექნიკო და საწარმოო დაწესებულებათათვის და კერძოდ თვით უმაღლესი სასწავლებლისათვის.

გ) გამოიკვლიოს სამეცნიერო კითხვები ცოდნის ყოველ დარგში, დაარსოს სამეცნიერო კვლევა-ძიების ინსტიტუტები, კურსები და სამეცნიერო ასოციაციები განათ. სახ. კომისარიატის დამტკიცებით.

დ) გაავრცელოს მეცნიერული ცოდნა პროლეტარულ და გლეხურ მასებში, რომელთა ინტე-

რესსაც უმაღლესი სასწ. მოღვაწეობაში პირველი ადგილი უნდა ეჭიროს,

ბ) უმაღლესი სასწავლებლის მოსწავლეთა შესახებ.

2) უმაღლესი სასწავლებლის სტუდენტად შეიძლება იქნეს ორივე სქესის მოქალაქე, 16 წლის ასაკ შესრულებული, უკეთეს იგი აკმაყოფილებს უმაღ. სასწ. მიერ შემუშავებულ მისაღებ წესებს, რომელსაც დაამტკიცებს განათ. სახ. კომისარიატი.

3. უმაღ. სასწ. სტუდენტი მოვალეა შეასრულოს ყოველი მოთხოვნილება სასწავლო და ადმინისტრაციული ხასიათისა.

4. სწავლა უმაღლეს სასწავლებელში უფასოა.

შენიშვნა: დროებითი ზომის სახით, რესპუბლიკის განსაკუთრებული ეკონომიური მდგომარეობის გამო შემოღებულია ლექციების მოსმენისა და სასწავლო-დამხმარე დაწესებულებათა გამოყენებისათვის, სწავლის ფასი, რომლის რაოდენობაა და გადახდის წესს დაადგენს განათლების სახალხო კომისარიატი.

გ. უმაღლესი სასწავლებლის მასწავლებელთა შესახებ.

5. ყველა ის პირი, რომელიც ეწევა უმაღლეს სასწ. მეცნიერულ მუშაობას, რა ხასიათისაც უნდა იყოს იგი, იწოდება—მეცნიერების მუშაკად.

6. მეცნიერების მუშაკად ითვლება:

ა) პროფესორი და დოცენტი, რომელიც ხელმძღვანელობას უწევს დამოუკიდებელ კურსებს, ან მეცადინეობას, ან განაგებს უმაღლესი სასწავლებლის ერთ-ერთ სასწავლო-სამეცნიერო დაწესებულებას.

ბ) მასწავლებელი, რომელიც უძღვება დამხმარე კურსებს ან მეცადინეობას, ან და მუშაობს დამოუკიდებლად, ხოლო ერთ-ერთ პროფესორის ხელმძღვანელობით.

გ) სამეცნიერო-სასწავლო დარგის თანამშრომელი, რომელიც ეხმარება პროფესორს, დოცენტს და მასწავლებელს მუშაობაში, ან ემზადება დამოუკიდებელი სასწავლო და სასწავლო-სამეცნიერო მოღვაწეობისათვის.

შენიშვნა: 1, მეცნიერების თვითიული კატეგორიის მუშაკთა რიცხვი და მათი ჯამგირი განისაზღვრება უწყებული უმაღლესი სასწავლებლის შტატით.

შენიშვნა: 2, ამა დებულების თანახმად არჩეული პროფესორისა, დოცენტისა და მასწავლებლის შესახებ უმაღლესი სასწავლებლის გამგეობა, არა უგვიანეს სამი დღისა, —წარუდგენს ცნობას განათლების სახ. კომისარიატს. არჩეულ კანდიდატს ამტკიცებს სახ. განათ. კომისარიატი.

შენიშვნა: 3, სახელწოდება ახლანდელი პირადი შედგენილობის პროფესორებისა და მასწავლებელთა ავტორმატიურად შეიცვალება ამა დებულების სათანადო მუხლში აღნიშნულ

ლი ნიშნების მიხედვით, ხოლო დასამტკიცებლად წარედგინება განათ. სახ. კომისარიატს.

დ. სამეცნიერო სასწავლო ნაწილი.

7. უმაღლესი სასწავლებელი განაწილდება ფაკულტეტებად, რომელიც აერთიანებს სამეცნიერო დისციპლინის ძირითად ჯგუფებს და წარმოადგენს სწავლა მეცნიერების თვალსაზრისით დამთავრებულ მთლიან ერთეულს; ფაკულტეტს მიზნად აქვს განსაზღვრულ პროფესიის პრაქტიკულ მოღვაწეთა მომზადება. ფაკულტეტის რიცხვი თვითიული უმაღლეს სასწავლებელში განისაზღვრება განათ. სახ. კომისარიატის მიერ, არსებული კანონებისა და ადგილობრივი პირობების მიხედვით.

ყოველ უმაღლეს სასწავლებელში უთუოდ უნდა არსებობდეს მუშათა ფაკულტეტი, რომელსაც მიზნათ აქვს პროფეტარიატისა და მშრომელი გლეხების წრის პირთა მომზადება.

შენიშვნა: მუშათა ფაკულტეტის კონსტრუქცია მთლიანად და მისი ურთიერთობა უმაღლესი სასწავლებლის ორგანოებთან განისაზღვრება განსაკუთრებული დებულებით მუშათა ფაკულტეტის შესახებ.

შენიშვნა: ფაკულტეტის ფარგლებში სპეციალობას ყოველი უმაღლესი სასწავლებლისათვის ამტკიცებს განათლების სახალხო კომისარიატი უმაღლესი სასწავლებლის გამგეობის წარდგენისამებრ.

8. სასწავლო გეგმას და კურსების გავლის წესს შეიუშავებს ფაკულტეტი და განიხილავს უმაღლესი სასწავლებლის საბჭო, ხოლო განხორციელდება იგი განათლების სახალხო კომისარიატის დამტკიცების შემდეგ.

ე) უმაღლესი სასწავლებლის მართველობა.

9. საქართველოს სოც. საბჭ. რესპუბლიკის უმაღლესი სასწავლებლები იმყოფება განათლების სახალხო კომისარიატის პროფესიონალური განათლების მთავარ მმართველობის გაშვებლობაში, მხოლოდ სახალხო განათლების კომისარიატს აქვს უფლება მოახდინოს ცვლილება უმაღლესი სასწავლებლის როგორც ორგანიზაციასა, ისე პირად შედგენილობაში.

10. უმაღლესი სასწავლებლის სასწავლო-სამეცნიერო და ადმინისტრაციულ-სამეურნეო მოღვაწეობის უახლოესი გამგებლობა და ხელმძღვანელობა ეკუთვნის, —განათლების სახალხო კომისარიატის საერთო ხელმძღვანელობით, —უმაღლესი სასწავლებლის საბჭოს და მის მიერ ამორჩეულ გამგეობას ამ დებულების თანახმად.

11. საქმე, რომელიც მთლად უმაღლეს სასწავლებელს არ შეეხება, არამედ მხოლოდ ცალკე მის ფაკულტეტს, ფაკულტეტის საბჭოსა და მის პრეზიდიუმის გამგებლობაშია; უმაღლესი სასწავლებლის გამგეობის მეთვალყურეობით და კონტროლით.

12. საქმეს, რომელიც ეხება ერთ ან რამოდენიმე ერთ-მეორის მახლობელ დისციპლინას, რაც უმაღლეს სასწავლებელში ისწავლება, განაგებს საგნობრივი კომისია ფაკულტეტის საბჭოს საერთო კონტროლისა და ხელმძღვანელობით.

შენიშვნა: საგნობრივი კომისიის რიცხვს განსაზღვრავს ფაკულტეტის საბჭო.

13. საგნობრივი კომისიას შეადგენენ: მახლობელი დისციპლინებით შეკავშირებული ყველა პროფესორები, დოცენტები, მასწავლებლები და მეცნიერების ყველა მუშაკი რიცხვით, პროფესორ-დოცენტების რაოდენობის ერთი მესამედი და აგრეთვე წარმომადგენლები იმ სტუდენტებისა, რომელნიც ვალდებული არიან იმეცადინონ ამა თუ იმ საგნობრივი კომისიის დისციპლინებში.

სტუდენტთა წარმომადგენლების არჩევა მოხდება განსაკუთრებული ინსტრუქციის მიხედვით პროფესორ-დოცენტების რიცხვის არა უმეტეს ერთი მესამედისა.

14. საგნობრივი კომისია პროფესორთა შედგენილობიდან ირჩევს თავმჯდომარეს.

თავმჯდომარის გარდა, ირჩევს აგრეთვე თავმჯდომარის მოადგილეს და მდივანს. უკანასკნელი, თავმჯდომარესთან ერთად, შეადგენს საგნობრივი კომისიის ბიუროს, რომელსაც ამტკიცებს ფაკულტეტის საბჭო.

15. საგნობრივი კომისიის ფუნქციას შეადგენს:

ა) საგნობრივი კომისიის დისციპლინების მიხედვით სამეცადინო საქმის განაწილება მეცნიერების მუშაკთა შორის.

ბ) კონტროლის დაწესება სტუდენტების მიერ სასწავლო მოვალეობის შესრულებისათვის. ამ კონტროლის წესს შეიმუშავებს ფაკულტეტის საბჭო, ხოლო ამტკიცებს განათლების სახალხო კომისარიატი.

გ) პროგრამების დეტალურად შემუშავება, რომელსაც ამტკიცებს ფაკულტეტის საბჭო, სწავლის მეთოდების განხილვა, პროფესორ-მასწავლებელთა მოხსენებანი გასავლელი კურსების მეთოდებისა და მათი შედეგების შესახებ.

დ) ხელმძღვანელობა და აღრიცხვის განხილვა კომისიის გამგებლობაში მყოფ დამხმარე დაწესებულებათა (ლაბორატორიები, კაბინეტები, მუზეუმები, ბიბლიოთეკები).

16. საგნობრივი კომისიის ყოველი დადგენილება დაუყოვნებლივ უნდა ეცნობოს ფაკულტეტის პრეზიდიუმს და ძალაში შედის იმ შემთხვევაში, უკვე თუ ერთი კვირის განმავლობაში პროტესტ ქმნილი არ იქნება—ფაკულტეტის საბჭოში.

17. საგნობრივი კომისიაში ყველა საკითხი გადაწყდება ხმის უბრალო უმეტესობით და ხმისავე აშკარად მიცემით.

18. ფაკულტეტის ორგანოებს შეადგენს:

ა) ფაკულტეტის საბჭო,

ბ) ფაკულტეტის პრეზიდიუმი.

19. ფაკულტეტის საბჭოში შედიან

ა) ფაკულტეტის სტუდენტების პრეზიდიუმი;
ბ) უწყებული ფაკულტეტის ყველა პროფესორი და დოცენტი.

გ) მასწავლებელნი და სამეცნიერო-სასწავლო დარგის თანამშრომელნი რიცხვით პროფესორ-დოცენტების რაოდენობის ერთი მესამედი.

დ) უწყებული ფაკულტეტის წარმომადგენლები რიცხვით პროფესორ-დოცენტების ერთი მესამედი.

ე) გარდა ამისა, ფაკულტეტის საბჭოში თითო წარმომადგენლის გაგზავნის უფლება აქვს გადაწყვეტი ხმით: განათლების მუშაკთა პროფესიონალურ კავშირს, პროფესიონალურ კავშირებს, რომელნიც დაინტერესებულნი არიან ამა თუ იმ ფაკულტეტის მუშაობით, პროფესიონალურ კავშირთა საბჭოს და განათლების კომისარიატის შორის შეთანხმებით.

20. ფაკულტეტის საბჭოს თავმჯდომარეობს დეკანი.

21. ფაკულტეტის საბჭო:

ა) სახალხო განათლების კომისარიატის წინადადებით შეიმუშავებს ფაკულტეტის მოქმედების საერთო პროგრამას.

ბ) განაწილებს სამუშაოდ მასწავლებლებს და მეცნიერების მუშაკებს ფაკულტეტის სხვა და სხვა ქვემდებარე დაწესებულებაში.

გ) აირჩევს პროფესორებს, დოცენტებს, მასწავლებლებს და სამეცნიერო-სასწავლო დარგის თანამშრომელთ.

დ) ხელმძღვანელობს ცალკე საგნობრივი კომისიების მოქმედებას.

შენიშვნა: ფაკულტეტის საბჭოს ყოველი დადგენილება დაუყოვნებლივ უნდა წარედგინოს უმაღლეს სასწავლებლის გამგებობას და შედის ძალაში იმ შემთხვევაში, უკეთუ პროტესტქმნილი არ იქნება ერთი კვირის ვადაზე.


ე) გადასწყვეტს სამოსწავლო წლის დაწყებამდე, თუ რამდენი სტუდენტის მიღება შეიძლება უწყებულ ფაკულტეტზე.

ვ) შეადგენს და წარუდგენს უმაღლესი სასწავლებლის გამგებობას ფაკულტეტის და ყველა მის დაწესებულებების საერთო აღრიცხვას.

ზ) დანიშნავს საკონტროლო კომისიებს იმის შესამოწმებლად, თუ რამდენად შეასრულეს ფაკულტეტის სტუდენტებმა სასწავლო ვალდებულება.

22. ფაკულტეტის საბჭოში ყველა საკითხი გადაწყდება ხმის უბრალო უმეტესობით და ხმის აშკარად მიცემით, გარდა იმ შემთხვევისა, როდესაც განსახილველია პერსონალური კანდიდატურა პროფესორისა, დოცენტისა, მასწავლებლისა და მეცნიერების მუშაკის თანამდებობაზე ასარჩევი პირისა; ამ შემთხვევაში საკითხი ფარული კენჭის ყრით გადაწყდება.

23. ფაკულტეტის პრეზიდიუმი შესდგება დეკანისა და ორი წევრისაგან, რომელნიც აირჩევიან ერთი წლით. დეკანისა და პრეზიდიუმის ერთი წევრის თანამდებობაზე კანდიდატს აირჩევს ფაკულ-



ტეტის საბჭოს მეცნიერების მუშაკთა შედგენილობიდან, პრეზიდიუმის მესამე წევრის თანამდებობაზე ორ კანდიდატს ასახელებენ ის სტუდენტები, რომელნიც ფაკულტეტის საბჭოში შედიან. არჩეულ პირთა შესახებ უმაღლესი სასწავლებლის გამგეობა გაუგზავნის დასაბუთებულ შუამდგომლობას პროფესიონალური განათლების მთავარ მართველობას არჩეულ პირთა დასამტკიცებლად განათლების სახალხო კომისარის მიერ.

უკვე თუ წარდგენილ კანდიდატებს განათლების სახალხო კომისარიატი არ დაამტკიცებს, მას უფლება ეძლევა დანიშნოს თავისი კანდიდატები უწყებული ფაკულტეტის წევრების შედგენილობიდან.

შენიშვნა: დეკანად შეიძლება იყოს მხოლოდ პროფესორი.

24. ფაკულტეტის პრეზიდიუმი, როგორც მისი ორგანო, ანხორციელებს ფაკულტეტის საბჭოს ყველა დადგენილებას.

25. დეკანი პირადად პასუხისმგებელია გამგეობის წინაშე ყოველივე იმის გამო, რაც ფაკულტეტზე მოხდება და უფლება აქვს შეაჩეროს საგნობრივი კომისიების ყოველი დადგენილება, — რასაც აცნობებს ფაკულტეტის საბჭოს, ხოლო თუ არ დაეთანხმა მას — საკითხი გადატანილ უნდა იქნეს უმაღლესი სასწავლებლის გამგეობაში.

იმ შემთხვევაში, როცა პრეზიდიუმის უპრავლესობა არ ეთანხმება დეკანს, პრეზიდიუმს შეუძლიან განასაჩივროს დეკანის, ის დადგენილება ფაკულტეტის საბჭოში და შემდეგ უმაღლეს სასწავლებლის გამგეობაში, მაგრამ არ შეუძლიან შეაჩეროს მისი სისრულეში მოყვანა.

26. მთლად უმაღლესი სასწავლებლის საქმის გამგე ორგანოებად ითვლებიან:

- ა) უმაღლესი სასწავლებლის საბჭო.
- ბ) უმაღლესი სასწავლებლის გამგეობა.

27. უმაღლესი სასწავლებლის მთელი მუშაობის წარმართვისა და კონტროლისათვის, უმაღლესი სასწავლებლის საბჭო სასწავლო წლის განმავლობაში იკრიბება სამჯერზე არა ნაკლებ.

საბჭოში შედიან გამგეობის წევრები ფაკულტეტის დეკანები, ყველა პროფესორი და დოცენტი, აგრეთვე მასწავლებლები და მეცნიერების მუშაკნი, პროფესორ-დოცენტების რიცხვის ერთ მეოთხედ რაოდენობით. პროფესიონალური კავშირების საბჭოს წარმომადგენელი არა უმეტეს ხუთისა, რომელნიც იგზავნიან უმაღლესი სასწავლებლის მუშაობით დაინტერესებულ პროფესორების მიერ განათლების სახალხო კომისარიატისა და პროფესიონალური კავშირების საბჭოს შეთანხმებით; დაინტერესებული სახალხო კომისარიატების თითო წარმომადგენელი; მოსამსახურეთა ადგილობრივი კომიტეტის ერთი წარმომადგენელი და უწყებული უმ. სასწ. ის სტუდენტები, რომელნიც აირჩევიან განსაკუთრებული ინსტრუქციის მიხედვით პროფესორ-დოცენტთა რიცხვის ერთი მეოთხედი რაოდენობით.

საბჭოში თავმჯდომარეობს უმაღლესი სასწავლებლის გამგეობის თავმჯდომარე (რექტორი).

28. უმაღლესი სასწავლებლის საბჭო:

- ა) ხელმძღვანელობას უწევს უმაღლესი სასწავლებლის მთლად სამეცნიერო და ადმინისტრაციულ საქმეს.
- ბ) ადასტურებს სამეცნიერო მუშაკების კანდიდატურას, არჩეულს ფაკულტეტების საბჭოს მიერ და გამგეობის შეშვეობით წარადგენს განათლების სახალხო კომისარიატში დასამტკიცებლად;
- გ) აირჩევს სამეცნიერო კვლევა-ძიების ინსტიტუტების, კურსების, ასოციაციების დირექტორებს და წარადგენს გამგეობის შეშვეობით განათლების სახალხო კომისარიატში დასამტკიცებლად.

29. საბჭოს დასკვნას უმაღლესი სასწავლებლის მუშაობის შესახებ, საბჭოს წევრების ცალკე აზრის თანდართვით და საბჭოს განზრახვლებათ უმაღლესი სასწავლებლის მომავალი მუშაობის შესახებ, საწარმოო გეგმასთან დაკავშირებით, — გამგეობის თავმჯდომარე (რექტორი) გაუგზავნის სახალხო განათლების კომისარს.

30. უმაღლესი სასწავლებლის საბჭო თავის დადგენილებათა განხორციელებისათვის, მიმდინარე მუშაობისა, კანტროლისა და უმაღლეს სასწავლებლის ორგანოების ხელმძღვანელობისათვის, აირჩევს თავის წრიდან, პროფესორთა შორის, ერთი წლის ვადით რექტორს, ორ პრორექტორს და გამგეობის წევრებს, რომელთა რიცხვი უნდა უდრიდეს ფაკულტეტების რაოდენობას.

რექტორსა და გამგეობის წევრებს ამტკიცებს განათლების სახალხო კომისარიატი; უკეთეს წარდგენილი კანდიდატები არ იქნენ დამტკიცებულნი, განათლების სახალხო კომისარიატს უფლება აქვს დანიშნოს თავისი კანდიდატები საბჭოს წევრთა შედგენილობიდან.

31. რექტორი პირადი პასუხისმგებელია სახალხო განათლების კომისარიატის წინაშე, უკეთეს გამგეობის უპრავლესობა არ დაეთანხმება რექტორის განკარგულებას, გამგეობას უფლება აქვს განასაჩივროს იგი განათლების სახალხო კომისარიატის წინაშე, ხოლო რექტორის დადგენილების სისრულეში მოყვანა არ უნდა შეაჩეროს.

32. ერთი პრორექტორთაგანი განაგებს სამეცნიერო-სასწავლო ნაწილს, ხოლო მეორე-სტუდენტების საქმეს და სამეურნეო ადმინისტრაციულ ნაწილს.

33. გამგეობა:

- ა) ამტკიცებს ფაკულტეტების საბჭოსა და პრეზიდიუმების ყველა დადგენილებას და უფლება აქვს გააუქმოს ან შეცვალოს იგინი.
- ბ) დანიშნავს და დაითხოვს უმაღლესი სასწავლებლის ადმინისტრაციის ყველა მოსამსახურეს, ამასთანავე დაცულ უნდა იქნეს შრომის სახალხო კომისარიატის არსებული კანონები.

შენიშვნა: ძირითადი ფუნდამენტალური ბიბლიოთეკის გამგეებს დანიშნავს უმაღლესი სასწავლებლის გამგეობა.

გ) შეადგენს უმაღლესი სასწავლებლის ყოველწლიურ აღრიცხვას და, უმაღლესი სასწავლებლის საბჭოს მიერ განხილვის შემდეგ, გაუგზავნის განათლების სახალხო კომისარიატს დასამტკიცებლად.

დ) აქვს ინიციატივის უფლება ყველა სამეცნიერო-სასწავლო საქმისათვის.

ე) უმაღლესი სასწავლებლის სახელით აწარმოებს ყოველგვარ მიწერ-მოწერას, როგორც განათლების სახალხო კომისარიატთან, ისე სხვა უწყებებთან და დაწესებულებებთან.

ვ) სისრულეში მოჰყავს უმაღლესი სასწავლებლის შესახებ განათლების სახალხო კომისარიატის და მის კანონიერ რწმუნებულ ორგანოების ყოველი დადგენილება.

34. უმაღლესი სასწავლებლის გამგეობას შეუძლიან, მისი კომპეტენციის ყოველი საკითხის დეტალურად განხილვისათვის შექმნას მუდმივად მომქმედი კომისია, ან გამართოს დროებითი თათბირი.

35. საქართველოს სოც. საბჭ. რესპუბლიკის უმაღლესი სასწავლებლების დებულების განხორციელება დაევალება საქართველოს სოც. საბჭ. რესპ. განათლების სახალხო კომისარიატს.

36. დებულება ესე ძალაში შედის დღიდან მისი გამოქვეყნებისა.

საქართველოს სოც. საბჭ. რესპუბლიკის სახალხო კომისარიატის საბჭოს თავმჯდომარის

მოადგილე მ. ორახელაშვილი.

განათლების სახალხო კომისარი დ. კანდელაკი.

სახალხო კომისარიატის საბჭოს მდივანი ალ. სალარიძე.

1928 წ. იანვრის 12. ტფილისი—სასახლე.

დ ე გ უ ლ ე ბ ა.

საქართველოს სოც. საბჭოთა რესპუბლიკის ლიტერატურისა და გამომცემლობის საქმის მთავარი მართვლობის შესახებ.

1. ბეჭდვითი ნაწარმოების ყოველგვარი ცენზურის გაერთიანების ნიშნით განათლების სახალხო კომისარიატთან არსდება, — განათლების სახალხო კომისარის ხელძღვანელობისა და ზედამხედველობის ქვეშ, — ლიტერატურისა და გამომცემლობის საქმის მთავარი მართვლობა და მისი ადგილობრივი ორგანოები საქართველოს სოც. საბჭოთა რესპუბლიკის სამაზრო აღმასრულებელი კომიტეტების სახალხო განათლების განყოფილებებთან.

2. ლიტერატურისა და გამომცემლობის საქმის მთავარ მართვლობას და მის ადგილობრივ ორგანოებს დაეკისრებათ:

ა) წინასწარი განხილვა ყველა გამოსაქვეყნებლად და გასაავრცელებლად დანიშნული ნაწარმოებისა, როგორც ხელთნაწერისა, ისე დაბეჭდილისა, პერიოდული და არაპერიოდული გამოცემისა, სურათებისა, ნახატებისა, რუკების და სხვ.

ბ) ცალკე ნაწარმოებისა, აგრეთვე პერიოდული და არაპერიოდული ბეჭდვითი ორგანოს გამოცემის ნებართვის მიცემა.

გ) გასაყიდათ და გასაავრცელებლად აკრძალულ ნაწარმოებთა სიების შედგენა.

დ) ბეჭდვითი საქმის შესახებ ყველა ბეჭდვითი ორგანოებისათვის, გამომცემლობისათვის, სტამბებისათვის, ბიბლიოთეკებისათვის და წიგნის მალაზიებისათვის სავალდებულო წესების, განკარგულებების და ინსტრუქციების გამოცემა.

3. ლიტერატურისა და გამომცემლობის საქმის მთავარი მართვლობა და მისი ადგილობრივი ორგანოები აკრძალავენ იმ ნაწარმოების გამოცემას და გავრცელებას:

ა) რომელიც შეიცავს აგიტაციას საბჭოთა ხელისუფლების წინააღმდეგ;

ბ) რომელიც ააშკარავებს რესპუბლიკის სამხედრო საიდუმლოებას;

გ) რომელიც ტყუილი ცნობების გავრცელებით აღელვებს საზოგადოებრივ აზრს.

დ) რომელიც იღვივებს შოვინისტურსა და რელიგიურ ფანატიზმს;

ვ) რომელსაც პორნოგრაფიული ხასიათი აქვს.

4. რუსეთის კომუნისტური პარტიის ამიერკავკასიის საოლქო კომიტეტისა, საქართველოს კომუნისტური პარტიის ცენტრალური და სამაზრო კომიტეტების გამოცემანი და საერთოდ პარტიული კომუნისტური ლიტერატურა, საქართველოს ს. ს. ს. რ. აგრედვე სახელმწიფო გამომცემლობის და პოლიტიკური განათლების მთავარი მართვლობის გამოცემანი თავისუფალია ცენზურისაგან; ამ გამოცემათა მიმართ ლიტერატურისა და გამომცემლობის მთავარ მართვლობას და მის ორგანოებს ეკისრება ღონისძიების მიღება სამხედრო ცენზურის ინტერესების უზრუნველსაყოფად. უწყებათა სპეციალური გამოცემანი განთავსდებიან ცენზურისაგან ლიტერატურისა და გამომცემლობის საქმის მთავარი მართვლობის და სათანადო სახალხო კომისარიატის შეთანხმებით.

5. რესპუბლიკაში გამომცემულ ყველა ბეჭდვითი ნაწარმოებს, გარდა მეოთხე მუხლში აღნიშნულისა, უნდა ჰქონდეს ლიტერატურისა და გამომცემლობის საქმის მთავარი მართვლობის და მისი ადგილობრივი ორგანოების ვიზა.

6. ლიტერატურისა და გამომცემლობის საქმის მთავარი მართვლობის სათავეში სდგას გამგე, რომელსაც წინშავს განათლების სახალხო კომისარიატის კოლეგია, და მისი ორი თანაშემწე, რომელთაც წინშავს იგივე კოლეგია საქართველოს სოც. საბჭ. რესპ. სამხედრო-საზღვაო სახალხო კომისარიატთან და საქართველოს საგანგებო კომისიასთან შეთანხმებით და, რომელნიც ექვემდებარებიან, როგორც გამგეს, ისე, კუთვნილებისამებრ, სათანადო ორგანოს.

7. ქალ. ქუთაისსა, ბათუმსა და სოხუმში მოეწყობა ლიტერატურისა და გამომცემლობის

საქმის მთავარი მართველობის განყოფილებანი, ხოლო სხვა სამაზრო ქალაქებში დანიშნებიან, საქროებისადა მიხედვით ცენზორნი. განყოფილებათა შედგენილობას და იმ სამაზრო ქალაქების განაწილებას, სადაც ცენზორნი უნდა იმყოფებოდნენ, განსაზღვრავს განათლების სახალხო კომისარიატი — სამხედრო საზღვაო სახალხო კომისარიატსა და საქართველოს საგანგებო კომისიასთან შეთანხმებით. ცენზორებს დანიშნავს მთავარი მართველობა.

8. იმისდამიუხედავად, თუნდაც ამა თუ იმ ადგილას გამოცხადებული არ იყოს სამხედრო მდგომარეობა, — ცენზურის ორგანოები უწყებული ადგილისა, — სამხედრო აუცილებლობის მოსაზრებით და სამხედრო — საზღვაო სახალხო კომისარიატისა, ლიტერატურისა და გამომცემლობის საქმის მთავარ მართველობასთან შეთანხმების წესით, — გადადიან სამხედრო უწყების ქვემდებარეობაში, ან ამ უკანასკნელს ნება ეძლევა გაჰყვანოს იმ ადგილას სპეციალური ცენზორი.

9. სანახაოებისა და თეატრალური წარმოდგენების ზედამხედველობა ტფილისში ეკისრება მთავარ მართველობას, ქალ ქუთაისსა, ბათუმსა და სუხუმში — მთავარი მართველობის განყოფილებათ, — ხოლო სხვა ადგილებში — მისივე ორგანოებს.

შენიშვნა: იმ ადგილას, სადაც ცენზორი არ იქნება, მის ფუნქციებს შეასრულებს მახლობელი ცენზორი.

10. საჩივარი ცენზორის დადგენილების გამო შეტანილ უნდა იქნეს მთავარ მმართველობაში ორი კვირის ვადაზე დაინტერესებული პირისათვის გამოცხადების დღიდან.

11. ბეჭდითი დანაშაულებრივი მოქმედებისათვის დაშნაშავე პასუხს აგებს საქართველოს სოც. საბჭ. რესპუბლიკის სისხლის სამართლის კოდექსის 230 და 231 მუხ. თანახმად.

12. საქართველოს საგანგებო კომისიის ორგანოებს დაეკისრებათ ბრძოლა მთავარი მმართველობის მიერ ნებადაურთველ ნაწარმოებთა გავრცელების წინააღმდეგ; აგრეთვე — შემდეგი ზედამხედველობა სანახაობებისა, სტამბებისა, საბაჟო და სანაპირო პუნქტებისათვის; აგრეთვე — ბრძოლა არა-ლეგალური გამომცემებისა და მათი გავრცელების წინააღმდეგ; ბრძოლა — ნებადაურთველი ლიტერატურის საზღვარგარეთიდან საქართველოს სოც. საბჭ. რესპუბლიკის ტერიტორიაზე გასაღრცელებლად შემოტანის წინააღმდეგ, მეთვალყურეობა რუსეთისა და უცხოეთის ლიტერატურის ყიდვა-გაყიდვისათვის და მთავარი მართველობისა და მისი ორგანოების მიერ ნებადაურთველი წიგნების ჩამორთმევა მე 2 მუხ. გ) პუნქტში აღნიშნული სიის თანახმად.

შენიშვნა: მთავარი მართველობის მიერ გამოცემული სიებით სისწორითა და გადუხვევად ხელმძღვანელობა სავალდებულოა საგანგებო კომისიის ორგანოებისათვის, ცალკე ნაწარმოების გამო, რომელიც შეტანილი არ იქნება აღნიშნულ სიებში, საგანგებო კომისიის ორგანოები, ყოველ ცალკე შემთხვევაში, მი-

მართვენ მთავარ მმართველობას მათი ნებართვის ან აკრძალვის შესახებ.

13. სტამბისა და ლიტოგრაფიის გამგე — სამართლოს წესისამებრ პასუხისმგებლობით — მოვალეა ურყევად ადვენოს თვალყური, რათა სტამბაში და ლიტოგრაფიაში დასაბეჭდ ნაწარმოებს, გარდა მე 4 მუხლში აღნიშნულისა ჰქონდეს მთავარი მართველობის და მისი ორგანოების სანებართვო ვიზა.

14. სტამბისა და ლიტოგრაფიის პატრონი და გამგე მოვალეა წარადგინოს ცენზურის ორგანოებში ყოველგვარი დაბეჭდილი ნაწარმოების ხუთ-ხუთი ცალი დაუყოვნებლივ დაბეჭდვისათანავე.

15. ლიტერატურისა და გამომცემლობის საქმის მთავარ მართველობის შტატი დამტკიცებულ იქნეს 7 პირის შედგენილობით,

16. დებულება ესე ძალაში შედის დღიდან მისი გამოქვეყნებისა.

საქართველოს სოც. საბჭ. რესპუბლიკის სახალხო კომისარიათა საბჭოს თავმჯდომარის მოადგილე **მ. ორახელაშვილი.**

განათლების სახალხო კომისარიატი
დ. კანდელაკი.

სახალხო კომისარიათა საბჭოს მდივანი
ალ. სალარიძე.

1923 წ. იანვრის 12.
ტფილისი სასახლე.



ს ი რ კ უ ლ ი ა რ ი.

სახელმწიფო ხარჯთ აღრიცხვაზე დატოვებულ ყველა სახელმწიფო დაწესებულებათ და წარმოებათ.

სტრეკალურ დახდევებისათვის ადგილობრ. დამზღვევ კასებში საბმტყენტო ანაიტცების გადახდის წესების შესახებ.

1923 წ. 1 თებერვლიდან სახელმწიფო ხარჯთ-აღრიცხვაზე დატოვებული ყველა ცენტრალური (სახ. კომის.) დაწესებულებანი და წარმოებანი ვალდებული არიან ადგილობრივ დაწესებულებათა (სამაზრო განყ. და სხვა ორგანოთ) სამუშაო ხელფასის განაწილების დროს, გაანაწილონ აგრეთვე სოციალური დაზღვევისათვის სათანადო თანხაც, რომელიც უნდა შეტანილ იქნეს მათდამი დაქვემდებარებულ დაწესებულებათა მიერ, ადგილობრივ დამზღვევ კასაში.

ამასთანავე გეუწყებათ, რომ დამზღვევ კასაში კუთვნილ ანარიცხის შეტანის უკანასკნელ ვადათ ითვლება საანგარიშო თვის თანამომდევნო 7 რიცხვი, რის შემდეგაც, ვადა გასულ დღისათვის ანარიცხს მიეთვლება საურავიც, ამის გამო თქვენ

მიერ, თავის დროზე უნდა იქნეს მიღებული სათანადო ზომები ადგილობრივ ორგანოთათვის საქირო თანხის დროზედ გადაგზავნისათვის.

იმ ცენტრალურ დაწესებულებათ, რომელთაც 1923 წ. ხარჯთ-აღრიცხვაში არ შეუტანიათ სოციალურ დაზღვევისათვის გასაწევი ხარჯი, დაუყოვნებლივ უნდა გამოითხოვონ დამატებით.

წარმოება—დაწესებულების მიერ ანარიცხის %/•-ის რაოდენობას, შრომის პირობათა შევსებლობის და საშიშროების ხარისხების მიხედვით, განსაზღვრავს საქ. სოც. საბჭ. რესპ. სახალხო კომისარიატის საბჭოს ამა წლის 15 იანვრის „დამზღვევ ტარიფის ხარისხთა განაკვეთის შესახებ“ საგანგებო დეკრეტი.

საქ. ს. ს. რ. სახ. კომის. საბჭოს
თავმჯდ. მოადგილე მ. ორახელაშვილი.

ამიერ კავკას. შრომის სახ. კომის. რწმუნებული საქართველოში ად. იაშვილი.

სახ. კამის. საბჭ. მდივანი ად. სალარიძე.

1923 წ. იანვრის 30.

დეკრეტი

საქარ. სოც. საბჭ. რესპ. სახ. კომისარიატის საბჭოსი.

სახელმწიფო და კომუნალური ქონების, აგრეთვე კოოპერატივთა ორგანიზაციების ქონების ცეცხლით მიყენებული ზარალისაგან სავალდებულო არა-საბეგრავი დაზღვევის შესახებ.

ამიერკავკასიის სოციალისტური საბჭოთა რესპუბლიკების საკავშირო საბჭოს მიერ 1922 წლის სექტემბრის 16 თარიღით გამოცემული დეკრეტის თანახმად—ტფილისში სახელმწიფო დაზღვევის სამმართველოს მოწყობის შესახებ და იმ მიზნით, რათა კერძო პირთა და კოლექტივების სარგებლობაში მყოფი სახელმწიფო და კომუნალური ქონება, აგრეთვე კოოპერატივების კუთვნილი ქონება უზრუნველყოფილ იქნეს ცეცხლით მიყენებული ზარალისაგან,—საქართველოს სოც. საბჭ. რესპუბლიკის სახალხო კომისარიატის საბჭო ადგენს:

1. ყველა კერძო პირი და კოლექტივი (არტელი, ამხანაგობა, საზოგადოება, კომუნა, კოოპერატივი და სხვ.), ვის სარგებლობასა და განკარგულებაშიაც საიჯარო წესით ან,—იჯარის გარდა,—სხვა საფუძვლით არის სახელმწიფო და კომუნალური ქონება და საწარმო, მოვალეა ამა დეკრეტის გამოქვეყნების დღიდან ორი კვირის განმავლობაში, ხოლო კოოპერატივი—ერთი თვის განმავლობაში წარადგინოს რუსეთის ს. ფ. ს. რესპუბლიკის სახელმწიფო დაზღვევის ამიერკავკასიის ფედერაციისათვის დაარსებულ სამმართველოში, ან მახლობელ სარაიონო დამზღვევ სააგენტოში სახელმწიფო

დაზღვევის ორგანოს მიერ დაწესებული განცხადება ქვემოთ ჩამოთვლილ ქონებათა დაზღვევის შესახებ.

შენი შვნა: დასაზღვევად წარდგენილ უნდა იქნეს: ყველა ის სახელმწიფო და კომუნალური ქონება, რომელიც იჯარით, ან სარგებლობის სხვა სახით არის გაცემული; ხოლო კოოპერატივთა ქონებიდან—შენობა და საწარმოს მოწყობილობა.

2. 1-ლ მუხლში აღნიშნული ვადის განმავლობაში სახელმწიფო და კომუნალური დაწესებულებანი, რომელთაც იჯარით ან სარგებლობის სხვა სახით გაცემული აქვთ სახელმწიფო და კომუნალური ქონება და საწარმო, მოვალეა წარუდგინოს სამმართველოს ან მახლობელ სარაიონო სააგენტოს ნუსხა ზემოდ დასახელებულ ქონებათა და საწარგოსი, და თანაც აღნიშნოს:

ა) მათი სახელწოდება, შედგენილობა და ადგილმდებარეობა;

ბ) საფუძველი, რომლის ძალითაც გადაეცა კერძო პირებს და კოლექტივებს (იჯარით და სხვა სახით) ხსენებული ქონება და საწარმო, აგრეთვე გადაცემის ვადა.

გ) ასეთი პირების და კოლექტივების სახელი და მისამართი.

3. მომავალში ამ სახელმწიფო და კოლექტიური ქონებისა და საწარმოს იჯარით ან სარგებლობის სხვა სახით გადაცემის დროს კერძო პირებისა და კოლექტივებისათვის, როგორც ის დაწესებულება, ვინც ამ ქონებას კერძო პირსა და კოლექტივს გადასცეს, ისე ის კერძო პირი და კოლექტივი, ვინც ამ ქონებას მიიღებს. მოვალეა ქონებას ან საწარმოს გადაცემის დღიდან ერთი კვირის განმავლობაში შეასრულოს ამა დეკრეტის პირველი და მეორე მუხლის მოთხოვნილება.

4. დაზღვევა იმ ქონებისა, რომლის სახელმწიფო—არა საბეგრავი—დაზღვევაც სავალდებულოა, სწარმოებს მოიჯარადრეთა და გამგეთა ხარჯით იმ შეფასების მიხედვით, რომელსაც დაადგენენ სახელმწიფო დაზღვევის ამიერკავკასიის სამმართველოს ორგანოები და თანახმად სატარიფო წესებისა და განაკვეთისა.

შენი შვნა: უკეთეს სახელმწიფო ან კომუნალური დაწესებულება, რომელსაც ხელშეკრულება აქვს დადებული მოიჯარადრესთან ან გამგესთან, ან ეს უკანასკნელი არ დაეთანხმებიან იმ შეფასებას, რომელსაც მოახდენენ სახელმწიფო დაზღვევის ადგილობრივი ორგანოები, მათ შეუძლიანთ ამის შესახებ შეიტანონ განცხადება ადგილობრივ დამზღვევ სამმართველოში, ხოლო თუ ეს უკანასკნელი უარს იტყვის განცხადების დაკმაყოფილებაზე, ასეთი განცხადება უნდა გაუგზავნონ სახელმწიფო დაზღვევის მთავარ სამმართველოს საბოლოო გადასაწყვეტად, მაგრამ ასეთი განცხადების შეტანა ვერ შეაჩერებს დაზღვევას

და ქონების მფლობელს არ ათნავისუფლებს სახელმწიფო დაზღვევის ორგანოების ყველა კანონიერი მოთხოვნის შესრულებისაგან და დასაზღვევი პრემიის გადახდისაგან.

5. მოიჯარადრე და სხვა სახის გამგე იმ სახელმწიფო და კომუნალური ქონებისა და საწარმოსი, რომელიც დაზღვეულ უნდა იქნეს სახელმწიფო სავალდებულო არა საბეგრავი დაზღვევის წესით, მოვალეა მიუშვას სახელმწიფო დაზღვევის წარმომადგენლებს ხსენებული სახელმწიფო და კომუნალური ქონების და საწარმოს დასათვალ ერებლად და გაუწიოს მათ სათანადო დახმარება, შეასრულოს და მონაწილეობა მიიღოს დაზღვევისათვის საჭირო ყველა დოკუმენტის და აქტის შედგენაში (აღწერილობისა, შეფასებისა, გეგმისა და სხვ.) და საერთოდ, დაემორჩილოს სახელმწიფო სავალდებულო დაზღვევისათვის დადგენილ ყველა წესებს.

6. ამა დეკრეტის მოთხოვნებიდან დაზღვევისათვის დამნაშავე თანამდებობის პირი, ან კერძო პირი, როგორც იჯარით ან სარგებლობის სხვა სახით ამდები სახელმწიფო ან კომუნალური ქონებისა, ისე ამ ქონების გამცემი, აგრეთვე ის პირი და დაწესებულება, რომელიც თავის დროზე არ დააზღვევს ამა დეკრეტის ძალით სავალდებულო არასაბეგრავი სახით დასაზღვევ ქონებას, — მიცემულ იქნება კანონიერ, — დადგენილი წესისამებრ, — პასუხისმგებაში, როგორც მთავრობის განკარგულებათა არ აღმსრულებელი. ამის გარდა, — ამ პირთ, იმ შემთხვევაში, უკეთუ ცეცხლისაგან დაზარალდა ხსენებული ქონება, რომელიც მათის მიზნით არ იყო დაზღვეული, გიდაპზდებათ, — ურთიერთი პასუხისმკებლობით, — ის ზარალი, რაც სახელმწიფოს ან კომუნალურ მეურნეობას ცეცხლისაგან მოუვა.

7. ყოველი სარჩელი, რომელიც შეიძლება აღიძრას დაზღვევის სამმართველოს წინააღმდეგ, — განხილულ უნდა იქნეს საქართველოს სოც. საბჭ. რესპ. სასამართლო დაწესებულების მიერ; ამასთანავე სარჩელი შეტანილ უნდა იქნეს ამიერკავკასიის საფედერაციო სახელმწიფო დაზღვევის სამმართველოს და მისი ადგილობრივ კონტორებისა და აგენტების სამყოფელი ადგილის მიხედვით.

8. დეკრეტი ესე ძალაში შედის დღიდან მისი გამოქვეყნებისა.

საქ. სოც. საბჭ. რესპ. სახ. კომის. საბჭ.
თავმჯდ. მოადგილე მ. ორახელაშვილი.

ამიერკავკ. ფედერაც. ფინანს. სახ. კომის.
რწმუნ. საქართველოში ბ. ბიბინიშვილი.

სახ. კომის. საბჭ. მდივანი ალ. სალარიძე.

1923 წ. იანვრის 13,
ტფილისი — სასახლე.

დეკრეტი

საქარ. სოც. საბჭ. რესპ. სახ. კომის. საბჭოსი.

დამზღვევ საბჭოთა გაუქმების თაობაზე — ამიერკავკასიის სოც. საბჭ. რესპ. საკავშირო საბჭოს მიერ 1922 წლის დეკემბრის 30-ს გამოცემული დეკრეტის საყოველთაო ცნობისა და აღსრულებისათვის გამოქვეყნების შესახებ.

ამასთანავე საყოველთაო ცნობისა და აღსრულებისათვის გამოქვეყნდება — ამიერკავკასიის სოც. საბჭ. რესპ. საკავშირო საბჭ. დეკრეტი — 1922 წ. დეკემბრის 30 თარიღითა — დამზღვევ საბჭოთა გაუქმების შესახებ.

საქ. სოც. საბჭ. რესპ. სახ. კომის. საბჭ.
თავმჯდ. მოადგილე მ. ორახელაშვილი.

სახ. კომის. საბჭ. მდივანი ალ. სალარიძე.

1923 წ. იანვრის 15.

დეკრეტი

საქარ. სოც. საბჭ. რესპ. სახ. კომის. საბჭოსი.

დაზღვევის ტარიფის ხარისხთა განაკვეთის თაობაზე — ამიერკავკასიის სოც. საბჭ. რესპ. საკავშირო საბჭოს მიერ 1922 წლის დეკემბრის 8-ს გამოცემული დეკრეტის საყოველთაო ცნობისა და აღსრულებისათვის გამოქვეყნების შესახებ.

ამასთანავე საყოველთაო ცნობისა და აღსრულებისათვის გამოქვეყნდება ამიერკავკასიის სოც. საბჭ. რესპ. საკავშირო საბჭოს დეკრეტი — 1922 წ. დეკემბრის 8-ს თარიღითა — დაზღვევის ტარიფის ხარისხთა განაკვეთის შესახებ.

საქ. სოც. საბჭ. რესპ. სახ. კომის. საბჭ.
თავმჯდ. მოადგილე მ. ორახელაშვილი.

სახ. კომის. საბჭ. მდივანი ალ. სალარიძე.

1923 წ. იანვრის 15.

დეკრეტი

საქარ. სოც. საბჭ. რესპ. სახ. კომის. საბჭოსი.

შრომის უნარის დროებითი დაკარგვის შემთხვევაში მუშა-მოსამსახურეთა შრომის უნარის უქონლობის პირველი სამი დღის განმავლობაში სოციალური უზრუნველყოფის თაობაზე — ამიერკავკასიის სოც. საბჭ. რესპ. საკავშირო საბჭოს მიერ 1922 წლის დეკემბრის 30-ს გამოცემული

დეკრეტის საყოველთაო ცნობისა და აღსრულებითისათვის გამოქვეყნების შესახებ.

ამასთანავე საყოველთაო ცნობისა და აღსრულებისათვის გამოქვეყნდება ამიერკავკასიის სოც. საბჭ. რესპ. საკავშირო საბჭოს დეკრეტი—1922 წ. დეკემბრის 30 თარიღითა—შრომის უნარის დროებითი დაკარგვის შემთხვევაში მუშა-მოსამსახურეთა შრომის უნარის უქონლობის პირველი სამი დღის განმავლობაში უზრუნველყოფის შესახებ.

საქ. სოც. საბჭ. რესპ. სახ. კომის. სამქ. თავმჯდ. მოადგილე მ. ორახელაშვილი.

სახ. კომის. საბჭ. მდივანი. ალ. სალარიძე.

1923 წ. იანვრის 15.

საქართველოს სახალხო კომისარიატი

დეკრეტი

ამიერ კავკ. სოც. საბჭ. რესპ. საკავშ. საბჭოსი.

დაზღვევის ტარიფის ხაზისთან განაკვეთის შესახებ.

სოციალური დაზღვევის ფონდის შესახებ—საკავშირო საბჭოს მიერ 1922 წლის აგვისტოს 23-ის თარიღით გამოცემული დეკრეტის განსავითარებლად საკავშირო საბჭომ დაადგინა:

დაწესებულ იქნეს ამიერკავკასიის ყველა რესპუბლიკებში სოციალური დაზღვევის გადასახადის შემდეგი განაკვეთი;

1. კერძო კოოპერატიულ, საზოგადოებრივ საკონცესიო, საიჯარო წარმოებასა, დაწესებულებასა და მეურნეობასა და აგრეთვე იმ სახელმწიფო წარმოებისა და დაწესებულებისათვის, რომელიც მთლიანად ან ნაწილობრივ გადასულია სამეურნეო ანგარიშზე, ან და მიწერილია ადგილობრივ სახსარზე:

ა) დროებითი უნარის უქონლობისა, დედობისა და დამატებით სხვაგვარ უზრუნველყოფისათვის: იმ წარმოებისა, დაწესებულებისა და მეურნეობისათვის, რომელიც მოსალოდნელ უბედურების საშიშროებასა და სავნებლობის მიხედვით მიეკუთვნება 1-ლ ხარისხს—სამუშაო სასყიდლის 6 პროც., მე 2-ე ხარისხს.— 7 პროც., მე-3-ე ხარისხს.— 8 პროც. და მე-4-ე ხარისხს.— 9 პროც.

ბ) ინვალიდებისა და დაზღვეულთა სიკვდილის შემთხვევაში მათი ოჯახის წევრთა უზრუნველსაყოფად: იმ წარმოებასა და დაწესებულებისათვის რომელიც მიეკუთვნება მოსალოდნელ უბედურების საშიშროებისა და მავნებლობის მიხედვით 1-ლ ხარისხს—სამუშაო სასყიდლის— 7 პროც, მე-2-ე ხა-

რისხის.— 8-ით, მე-3-ე ხარისხს.— 9 პროც. და მე-4-ე ხარისხს.— 10 პროც.

გ) უმუშევრობისათვის: წარმოებისა, დაწესებულებისა და მეურნეობისათვის დამოუკიდებლად მოსალოდნელ უბედურების საშიშროებისა და მავნებლობის მიხედვით ამა თუ იმ ხარისხის მიკუთვნებისა—სამუშაო სასყიდლის 2 1/2 პროც.

დ) სამკურნალო დახმარებისათვის: იმ წარმოებისა, დაწესებულებისა და მეურნეობისათვის, რომელიც მოსალოდნელ უბედურების საშიშროებასა და მავნებლობის მიხედვით მიეკუთვნება 1-ლ ხარისხს—სამუშაო სასყიდლის 5 1/2 პროც., მე-2-ე ხარისხს— 6 პროც., მე-3 ე ხარისხს.— 6 1/2 პროც და მე-4 ე ხარისხს.— 7 პროც.

2. ადმინისტრატიული და საბჭოთა დაწესებულებისათვის, რომელიც იმყოფება სახელმწიფო ბიუჯეტზე (სახალხო კომისარიატები და მათი ორგანოები ადგილობრივ):

ა) დროებითი უნარის უქონლობისა, დედობისა და დამატებითი სხვაგვარ უზრუნველყოფისათვის— 5 1/2 პროც.

ბ) ინვალიდობისა და დაზღვეულთა სიკვდილის შემთხვევაში მათი ოჯახის წევრთა უზრუნველსაყოფად— 4 1/2 პროც.

გ) უმუშევრობისათვის— 2 პროც.

დ) სამკურნალო დახმარებისათვის— 2 პროც.

3. იმ წარმოებისათვის, რომელიც იმყოფება სახელმწიფო ბიუჯეტზე:

ა) შრომის უნარის დროებით უქონლობისა, დედობისა და დამატებითი სხვა-გვარ უზრუნველყოფისათვის— 6 1/2 პროც.

ბ) ინვალიდობისა და დაზღვეულთა სიკვდილის შემთხვევაში მათი ოჯახის წევრთა უზრუნველსაყოფად— 5 1/2 პროც.

გ) უმუშევრებითათვის— 2 პროც.

დ) სამკურნალო დახმარებისათვის— 3 პროც.

4. სოციალური დაზღვევის გადასახადის აღნიშნული განაკვეთი ძალაში შედის 1923 წლის იანვრის 1-დან, ხოლო ამ ვადამდე ძალაში რჩება ამიერკავკასიის ცალკე რესპუბლიკებში დაწესებული განაკვეთი.

5. ამიერკავკასიის შრომის სახალხო კომისარიატს დაევალება შეიმუშავოს გადასახადის აკრეთისათვის სათანადო ინსტრუქცია.

ამიერკავკ. სოც. საბჭ. რესპ. საკავშ. საბჭ. თავმჯდომარის მოვალ. დროებითი აღმასრულებელი ვ. ბახუტაძე

ამიერკავკ- სოც. საბჭ. რესპ. საკავშ. საბჭ. მდივნის მოადგილე ორლოვ-მალახოვ.

1922 წ. დეკემბრის 8.

დ ე კ რ ე ტ ი

ამიერკავკ. სოც. საბჭ. რესპ. საკავშ. საბჭოსი.

დამზღვევ საბჭოთა გაუქმების შესახებ.

შრომის დაქირავებულ პირთა სოციალური დაზღვევის შესახებ—საკავშირო საბჭოს მიერ 1922 წლის აგვისტოს 23-ს თარიღით გამოცემულ დეკრეტის მე-4-ე და მე-5-ე მუხ. შესაცვლელად საკავშირო საბჭომ დაადგინა:

1. გაუქმებულ იქნეს 1923 წლის იანვრის 1-დან ამიერკავკასიის დამზღვევი საბჭო და რესპუბლიკების დამზღვევი საბჭოები.

2. ამიერკავკასიის შრომის სახალხო კომისარიატისა და მის რწმუნებულთა სამმართველოების დადგენილობიდან გამოყოფილ იქნეს სოციალური დაზღვევის განყოფილებანი.

3. დამზღვევ საბჭოთა მთელი აპარატი, მათი ფუნქცია და სახსარი გადაეცეს სათანადო სოციალური დაზღვევის განყოფილებას.

4. მაზრებში სოციალური დაზღვევის განყოფილებათა ფუნქცია დაეკისრება შრომის სამაზრო განყოფილებას, ხოლო სადაც იგი არ არსებობს, შრომის სახალხო კომისარიატის სარაიონო რწმუნებულს.

5. სოციალური დაზღვევის განყოფილებათა შესანახი ხარჯების გაწევა, როგორც სამეურნეო, ისე საორგანიზაციოსი, სწარმოებს სათანადო ფონდიდან იმ ხარჯთაღრიცხვით, რომელსაც დაამტკიცებს ამიერკავკასიის შრომის სახალხო კომისარიატი და მისი რწმუნებულები.

ამიერკავკ. სოც. საბჭ. რესპ. საკავშ.
საბჭოს თავმჯდომარე შ. ელიავა.

ამიერკავკ. სოც. საბჭ. რესპ. საკავშ.
საბჭ. მდივანის მოადგ. ორლოვ-მალახოვი.

1922 წ. დეკემბრის 30.

შინაგან საქმ. სახ. კომის.

სირკულიარულად.

ყველა მაზრა-ქალაქების და წყლის მილიციის უფროსებს.

ნავთის ნაწარმების გატანის შესახებ.

სახალხო კომისართა საბჭოს დეკრეტი № 3, მუხ. 5-ის თანახმად, რომელიც შეეხება სახელმწი-

ფო მონოპოლიას—ნავთის ნაწარმოებით ვაჭრობას და მისი საქართველოს სოციალისტურ რესპუბლიკაში შემოტანას, საქართველოს სახალხო უმაღლეს სამეურნეო საბჭომ დაადგინა:

პატრონები (სახელმწიფო დაწესებულებანი, საზოგადო ორგანიზაციები და კერძო პირები) ვალდებულნი არიან ნავთის ყველა ნაწარმოები, რომელიც დანიშნულია გასატანად საზღვარ გარეთ საქართველოს სოციალისტურ რესპუბლიკის ნავთსადგურიდან, შვიდი დღის განმავლობაში, დღიდან გატანის ნებართვის მიღებისა, გაატარონ რეგისტრაციაში გასატანი საქონლის რაოდენობა: თბილისში უმაღლეს სახალხო სამეურნეო საბჭოს საწვავ განყოფილებაში, ბათუმში აჭარისტანის უ. ს. ს. ს. და მისცენ ხელწერილით პირობა, არ გაყიდონ და არც არავის გადასცენ არავითარი საბუთით გასატანად აღნიშნული ნავთის ნაწარმოები, როგორც საქართველოს რესპუბლიკის ტერიტორიაზე, აგრეთვე ავტონომიურ რესპუბლიკებში: აფხაზეთში, აჭარისტანში და სამხრეთ-ოსეთში.

ყველა დაწესებულებას და კერძო პირებს, რომელიც კი არ შეასრულებს ამ მოთხოვნილებას დადგენილ ვადის განმავლობაში, ჩამოერთმევათ ნავთის ნაწარმოები.

გაცნობებთ რა ზემოაღნიშნულს, წინადადებას გაძღვეთ მიიღოთ სასტიკი ზომები, რათა ზემოაღნიშნული, უმაღლეს სახალხო სამეურნეო საბჭოს საეკონომიკური დადგენილება, სისწორით იყოს გატარებული ცხოვრებაში და სახალხო სამეურნეო უმაღლეს საბჭოს სათბობ მასალათა განყოფილების წარმომადგენლებს აღმოუჩინოთ ყოველგვარი დახმარება აღნიშნულ დადგენილებათა დარღვევის შემთხვევის წინააღმდეგ ზომების მიღების და მათ-დამი დაკისრებულ მოვალეობათა ასრულების დროს.

შინ.ს აქმ. სახ. კომისარის მოადგ. ტალახაძე.

სამილიც. განყ. უფროსი გ. ქავთარაძე.

მისი თანაშემწე ნადირაძე.

14 იანვარი, 1923 წ.

სირკულიარულად.

ყველა მაზრა-ქალაქების მილიციის უფროსებს.

ფოსტისათვის მტკვლეუბის გაყოფების შესახებ.

როგორც იუწყება ფოსტა-ტელეგრაფის სახალხო კომისარის რწმუნებულთა საქართველოში, ფოსტის უწყება უთმობს ადგილს ეტლში მხოლოდ ერთ მილიციელს, დანარჩენი მცველი კი უნდა მიყვებოდეს ცხენით.

გაცნობებთ რა ამას, წინადადებას გაძლევთ ამიერიდან გააყოლოთ ფოსტას მკველელები ცხენებით.

შინ. საქმ. სახ. კომის. მოადგ. ტალახაძე.

სამილიციო განყ. უფროსი გ. ქავთარაძე.

მისი თანაშემწე ნადირაძე.

31 იანვარი 1923 წ.

სიკუპულიაჲლად

ყველა მაზრა-ქალ. და წყლის მილიც. უფროსს. მეცხვარეთათვის იარაღის ჩამოწმების შესახებ.

თანახმად საქართველოს საგანგებო კომისიის ამა წლის 20 იანვრის № 709 განკარგულებისა, იარაღის ჩამორთმევა იმ მეცხვარეებისაგან, რომლებსაც ეძლევათ ნება იქონიონ თითო შაშხანა თოფი არა ნაკლებ 300 სულ ცხვარზე, სანამდის ისინი შეიძენდნენ მოწმობებს ადგილობრივ პოლიტ-ბიუროსაგან — შეჩერებულია.

გაცნობებთ რა ამას, დამატებით ჩემი 1922 წ. 23 მაისის № 2476/4607 ცირკულიარული განკარგულებისა, წინადადებას გაძლევთ დაუყონებლივ შეაჩეროთ იარაღის ჩამორთმევა ასეთ მეცხვარეებისაგან.

შ. ს. ს. კომისარის მოადგ. ტალახაძე.

სამილიც. განყ. უფროსი ქავთარაძე.

მისი თანაშემწე ნადირაძე.

31 იანვარი 1923 წ.

გ ა ნ ც ხ ა ღ ე ზ ა ნ ი .

დაიპარკვა ჯვარის წერის მოწმობა მიღებული 1921 წ. ოქტომბრის 29-ს გიორგი ფინანის ძე კამარაძისა და მარტიროსის ასული კამარაძის სახელზე. ჩაითვალოს გაუქმებულად.

№ 170 1—1

დაიპარკვა მოწმობა სამხედრო ბეგარიდან განთავისუფლების შესახებ მიღებული პირველი ქართული ლეგიონის კანცელარიიდან 1922 წ. დეკემბერში № 264 ნიკოლოზ მიხეილის ძე ჯავახიშვილის სახელზე. ჩაითვალოს გაუქმებულად.

№ 183 1—1

დაიპარკვა მეტრიკული ამონაწერი მიღებული 1918 წ. სინოდ. კანცელარიიდან № 429 ზაფხუ გრიგოლის ძე შაჰჩინაიას სახელზე. ჩაითვალოს გაუქმებულად.

№ 174 1—1

დაიპარკვა მოწმობა ტფ. მეოთხე უმაღლეს დაწყებითი სასწავლებლის კურსის სრულების შესახებ მიღებული 1915 წ. ამავე სასწ. კანცელარიიდან № 208 იაკობ ანდრას ძე დენისენკას სახელზე. ჩაითვალოს გაუქმებულად.

№ 173 1—1

დაიპარკვა მეტრიკული ამონაწერი მიღებული ცენტრ. სინოდ. კანტ. კანცელარიიდან 1910 წ. ნინო ნიკოლოზის ასულ ცინცაძის სახელზე. ჩაითვალოს გაუქმებულად.

№ 172 1—1

დაიპარკვა მეტრიკული ამონაწერი მიღებული სინოდალური კანტ. კანცელარიიდან 1903 წ. № 4289 იაკობ ინდრას ძე დენისენკას სახელზე. ჩაითვალოს გაუქმებულად.

№ 176 1—1

დაიპარკვა მეტრიკული ამონაწერი № 3473 მიღებული ცენტრ. ზაგსის კანცელარიიდან 1922 წ. მიხეილ ანსენის ძე კაჰმახეიძის სახელზე. ჩაითვალოს გაუქმებულად.

№ 190 1—1

დაიპარკვა მეტრიკული ამონაწერი № 965 მიღებული 1905 წ. სინოდალურ კანტორიდან მარგარიტა ციციშვილის სახელზე. ჩაითვალოს გაუქმებულად.

№ 189 1—1

დაიპარკვა მეტრიკული ამონაწერი № 806 მიღებული 1922 წ. სომეხთა კონსისტორიიდან და სარეგისტრაციო ბარათი № 3474 მიღებული მეოთხე რაიონის სამხედრო რწმუნებულისაგან ანტონ ვასილის ძე ზარაკისაგან სახელზე. ჩაითვალოს გაუქმებულად.

№ 188 1—1

დაიპარკვა მოწმობა № 42 მიღებული სახელმწიფო უნივერსიტეტიდან ალექსანდრე ილიას ძე ჯავახიშვილის სახელზე. ჩაითვალოს გაუქმებულად.

(უ. 1—1)

დაიპარკვა მეტრიკული ამონაწერი მიღებული 1911 წ. სინოდალური კანტორიდან მარია კონსტანტინეს ასული გოგინაშვილის სახელზე. ჩაითვალოს გაუქმებულად.

№ 177 1—1

დაიპარკვა მეტრიკული ამონაწერი მიღებული ტფილისის სომეხთა კონსისტორიიდან 1907 წ. აგეტის არტ. შახანუმიანის სახელზე. ჩაითვალოს გაუქმებულად.

№ 180 1—1

დაიპარგა მეტრიკული ამონაწერი მიღებული სომეხთა კონსისტორიიდან 1920 წ. № 3807 კანი ზაქარის ძე სუბჯარაჩანცის სახელზე. ჩაითვალოს გაუქმებულად. № 181 1—1

დაიპარგა მეტრიკული ამონაწერი მიღებული სინოდალური კანტორიიდან 1917 წ. კანსტანტინე იორდანეს ძე მაკრაქველიძის სახელზე, ჩაითვალოს გაუქმებულად. № 182 1—1

დაიპარგა მეტრიკული ამონაწერი მიღებული სომეხთა კონსისტორიიდან 1909 წ. № 3385 სარბეკ სარქისას ძე ოგანიანცის სახელზე. ჩაითვალოს გაუქმებულად. № 184 1—1

დაიპარგა მეტრიკული ამონაწერი № 2072 მიღებული 1919 წ. სინოდალური კანტორიიდან ანტონ სიფიბისტრას ძე მაცაბერიძის სახელზე. ჩაითვალოს გაუქმებულად. № 185 1—1

დაიპარგა მეტრიკული ამონაწერი მიღებული სინოდალური კანტორიიდან 1915 წ. ნიკოლოზ ივანეს ძე ზარდაიაშვილის სახელზე № 286. ჩაითვალოს გაუქმებულად. № 186 1—1

დაიპარგა მეტრიკული ამონაწერი მიღებული 1914 წ. სომეხთა კონსისტორიიდან № 3460 სურენ ამბარცუმის ძე კალტაკიანცის სახელზე. ჩაითვალოს გაუქმებულად. № 187 1—1

დაიპარგა სალექციო წიგნაკი თბილისის სახელმწიფო უნივერსიტეტისა № 493, სახელმწიფო უნივერსიტეტიდან მიღებული პირადობის მოწმობა № 1532 და თბილისის ქალაქის აღმასკომის სამმართველოს განყოფილებიდან მიღებული პირადობის მოწმობა № 166, გრაგოლ იოსების ძე ბასტაძის სახელზე. ჩაითვალოს გაუქმებულად. № 191 1—1

ახალციხის 1-ლ უბნის სახალხო სასამართლო-საგან იანერის 6 1923 წ. № 14.

ახალციხის 1-ლ უბნის სახალხო მოსამართლე ამით აცხადებს, რომ თვისი 20 დეკემბრის 1922 წ. დადგენილებით გარდაცვალებულ ახალციხის მოქ. ალექსანდრე კარაპეტას ძე კუიშიბაშვილის (ოგივე კუიშიბაშვიანცის) მიერ დატოვებულ უძრავ და მოძრავ ქონებაზე მემკვიდრეთ დამტკიცებული არიან: მეუღლე მისი 1) ვართუი მიკირტიჩას ასული კუიშიბაშიანცი და მისი შვილები: 2) ასტუიკა, 3) გოარიკა, 4) სოფიო და 5) ალექსანდრე კუიშიბაშიანციები თანასწორ ნაწილში.


ახალც. 1 ლ უბნ. სახალხო მოსამართლე ი. დვინიაშვილი.
მდივანი მ. აკოფიანცი.
№ 178 1—1

თანახმად § 68 მუხ. დეკრეტისა მე 28 საქართ. რევოლ. კომიტეტის სამმართველოს განყოფილების 1921 წ. 28 აპრილის ქალ. ტფილისის აღმასკომის მოქ. მდგომარეობის აქტების ჩამწერი მაგიდა აცხადებს, რომ მოქ. ზაქარია ივანიაშვილის ძე თხისჭიკაშვილი შემოიტანა განცხადება მისი გვარის თხისჭიკი გიგაურზედ შეცვლის შესახებ.

საქმის მწარმოებელი ფანიაშვილი.
№ 181 1—1

თანახმად § 68 მუხ. დეკრეტისა მე 28 საქართ. რევოლ. კომიტეტის სამმართველოს განყოფილების 1921 წ. 28 აპრილის ქალ. ტფილისის აღმასკომის მდგომარეობის აქტების ჩამწერი მაგიდა აცხადებს, რომ მოქ. ზეტრე ზანკატის ძე ავდოშვიანა შემოიტანა განცხადება მისი გვარის ავდოშვიანი ანჩასკიზედ შეცვლის შესახებ.

საქმის მწარმოებელი ფანიაშვილი.
№ 179 1—1



შ ი ნ ა ა რ უ ი

მე-48-ე №-ში მოთავსებული მასალებისა:

ცენტრ. აღმსრ. კომიტეტი.

1) დეკრეტი ცენტრ. აღმ. კომ. და სახ. კომ. საბჭოსი—სამომხმარებლო კოოპერაციის შესახებ.

სახ. კომისართა საბჭო.

2) დადგენილება № 69—საქართ. წითელ ჯვრის საზოგადოების წესდების შეცვლის შესახებ.

3) დადგენილება № 70—სასკოლო გადასახად. თაობაზე გამოცემული დეკრეტი. შეცვლის შესახებ.

4) დადგენილება № 72—სათამაშო ქალაქის (კარტის) გამოცემის შესახებ.

5) დადგენილება № 73—საგანგებო საბინაო სა: მეულის მოწყობის შესახებ.

6) დებულება—საქართველოს სოც. საბჭ. რესპ. უმაღლეს სასწავლებელთა შესახებ.

7) დებულება საქ. სოც. საბჭ. რესპ. ლიტერატურისა და გამომცემლობის საქმის მთავარ მმართველობის შესახებ.

8) ცირკულიარი—სოციალურ დაზღვევის ადგილობრივ დამზღვევ კასებში საპროცენტო ანარიცხების გადახდის წესების შესახებ.

9) დეკრეტი—სახელმწ. და კომუნალური ქონების და აგრედვე კოოპერატივთა ორგანიზაციების ქონების ცეცხლისაგან მიყენებული ზარალისაგან სავალდებულო არასაბეგრავი დაზღვევის შესახებ.

10) დეკრეტი—დამზღვევ საბჭოთა გაუქმების თაობაზე ა/კ. საქ. საბ. მიერ გამოცემული დეკრეტის საყოველთაო ცნობის და აღსრულების შესახებ.

11) დეკრეტი—დაზღვევის ტარიფის ხარასხთა განაკვეთის შესახებ.

ა/კ. საკავშირო საბჭო.

12) დეკრეტი—დაზღვევის ტარიფის ხარისხთა განაკვეთის შესახებ.

13) დეკრეტი—შრომის უნარის დროებითი დაკარგვის შემთხვევაში მუშა-მოსამსახურეთა შრომის უნარის უქონლობის პირველი სამი დღის განმავლობაში სოც. უზრუნველყოფის შესახებ.

14) დეკრეტი—დამზღვევ საბჭოთა გაუქმების შეს. ცირკულიარები: 1 ნავთის ნაწარმოების გატანის წესის შესახებ, 2) ფოსტისათვის მცველების გაყოლების წესის შესახებ, 3) მეცხვარეთათვის იარაღის ჩამორთმევის შეჩერების შესახებ.

